

玉茗堂全集

王荅堂全集

臨川義仍湯顯祖著

詩

七言律詩

送遲孟準餉薊暫歸禹州

中高片壁自連城得侍同門望不輕鶯集共憐
芳月飲鴈來翻作苦寒行崆峒絳節朝雲拂渤

海朱旗夜火迎並道巍峩簪筆裡長河襟帶潁
流清

送徐司理金華司理時以縣屬相戲及之
天臺斜月醉初厭起見雙旌拂霽簷陌上風雲
籠去馬越中山水鏡行幃香吹梅渚千峰雪清
映冰壺百尺簾道有泉源堪種秫只應留著醉
陶潛

卧邸寄帥思南

卧病高齋倚葛巾
陌頭何地著清真
豈長門簿
添過客
支煙窻紗滅
待人西郡酒泉那
可乞南
城水并復無因
惟堪夢裡期
心賞竹箚花溪過
西辰

送劉襄陽

百花高宴兩留連
五馬行春二月天
耆舊到時

介咲語遊人偏處是山川南行趙國邊陰盡西
莖巴關楚澤連莫學君家前郡牧福衡相見不
相憐

送戴萬縣

桂苑香銷碧樹秋彈碁尊酒與難酬那愁萬縣
之官遠自愛三巴景物幽雪色鴻冥開臘騎江
心魚復浪春舟安鄉最近神靈雨并作隨車苗

麥秋

送吳太原

才名真作漢田郎十載懷君江水長
自擬樹蘭陪漢署誰令剖竹動河梁
恒山郡勢連襄國孟渚鄉心隔太行
今日延陵真適晉聽歌蟋蟀思難忘

送胡生

詩

寒貂易水過冰澌抱劍懷書去莫悲折柳灞陵
聊盡醉落梅羌笛未禁吹揮戈見說迴雲氣疊
鼓聞經破月支歸去陌頭看傳鄧東方千騎亦
男兒

京邸移居留別比舍錢國賢沈胤盛二兄
喬林春鳥接宮墻道是錢郎并沈郎庭翠便成
交讓木窻虛暗度辟寒香顏公醉謔寧妨靜顧

憶聽歌不厭長別去那堪重啣井曾從東壁借
餘光

送徐敬輿浮梁暫歸蘭溪省覲

寒郊煙影散春旌列宿河梁昨夜明劉向早傳
蘭署業阮咸堪醉竹林情舟經浦口齊雲宿縣
到池灘遶月行不用蘭川將酒去玉甌春茗會
人清

送殷無美夷陵

桂樹山中難久淹，喜從京國動行幘。
鄉心送客河淮盡，風物爲官楚蜀兼。
岸隱竹枝歌裊裊，峽連明月映纖纖。
才名四十宜公府，長笑君家短後髯。

送吳司簿朝朔上都

長年美氣當天正，玉珮全充使者行。
謁帝早辭

陵下路先春人切去時情鷄聲北闕雲含曙馬
首西峯雪似晴爲道寢園初薦酎奉常原重漢
西京

范敬之醉後有深語醒之

江上殘潮氣不平過逢郎吏得藏名沾花夜雨
留懽醉搖蕙春風起怨情過恨杳隨彈劍盡投
心差覺報珠明蕭疎半榻天河語長見棲鴉接

鳳城

夕讌吳駕部署中

銀燭驚風颯玉盞齋餘乘興一過陪松間薦茗
厨煙近竹裡暉碁幔影開客思甌閩能賦海鄉
心吳會欲登臺懸愁十月歸茗水犯雪同誰看
早梅

送陳司勳兼東魏見泉李于田二吏部

勳司奏績自河陽相送那關吏部郎大有旌旗
臨別館可無盃酒盡同鄉新波泛鷁蕙楊色舊
路乘驄苜蓿香幸好洛橋名勝在肯將花鳥逐
年光

送何仲雅入對

置酒臨臯拂纜斜參差鳴鴈起晴沙休教興淺
青門柳卽漸春深紫禁花三殿雲霞邀麗藻六

朝人物映輕華郎潛未說江南好遲汝乘軒一
過家、

送梁興古暫歸東莞并寄袁萃霞貴竹

每聞深論欲過從恨別靈山幾萬重瘴嶺人才
多伏驥清時選法似圖龍鄉心自試櫝擲驛客
路還過紫橘峰更說白人能賣劍不妨樽俎勸
春農

送汪雲陽計部賑秦

中原岐路出三鴉
獨夜星軺望五車
歲氣未占河上草
春情難繫洛陽花
西都陸海從誰問
南部風煙亦自嗟
爲報連城諸從事
好將金粟到人家

送路鞏目

名都太守出三齊
人地風華映執珪
曾過汝園

春霍霍幾年吳署草
淒淒干旌半拂花池柳佩
印全封紫水泥賓舊宴餘
留綵筆相思無那隴禽啼

送徐日廳歸越

畫舸悠悠簫鼓聲
石蒲萼酒映人清坐
隨明月江中賞歸向山陰道
上行暑路獨宜驅傳早涼
園初稱舞衣輕祠郎亦有鄉
關思爲報還曹及

早鶯

送蔡體言儀部入都

佳辰上巳與清明花氣雲陰滿客程纔向舊都
深禮樂每當高宴出才情爲郎未覺遷鶯早奉
母將邀刻銘榮極望芳臯倍惆悵送君行似送
春行

七夕送張計部西歸

詩

久從京兆出江鄉秋興能過漢署郎高韻隔離
纔佇賞疎花別墅稍聞香衣冠勝氣留南國結
杵鄉心入太行無事佳期逢七夕偏歌遊子上
河梁

漢西門樓春望

江開風烟積望遙縈迴花鳥屬春嬌誰令澹蕩
起共惜氤氳淑氣飄巧笑步歸沾暝色遠

帆飛落映晴潮青軒露靄暄桃李琴幽金尊
此宵

送錢用父常州歸覲

玄湖僊署發雲霞旌旆翩翩出二沙浪說故鄉
同宦侶那堪尊酒送年華驚春咲拂河陽柳入
洛回看江上花他日高齋能憶汝蘭泉新試舉
溪茶

送徐士彰諫議辭越憲歸宜興

君歸不作老明經似有封章在漢庭
忽報天台行部遠却憐陽羨故山青
香添畫閣傳經罷雨洗春泉宿酒醒
莫厭此身如病鶴年年清迥憶江汀

送趙國子倅湖

天末名鄉里賢西山秀色清
雲烟並遊南

歌風地爲想春江泛月年芳樹送歸臨極浦梅
花須折向長筵不知松雪齋中帖還似餘波照
雪川

齊山秋眺

相國風流山刺年池陽幽色在南偏烟華欲暗
蒼龍峽石筍長飛菡萏泉洞經芊緜還自出亭
坐蕭瑟向誰懸祗應遊子登臨意長帶秋江雁

詩

影旋

永嘉送客遊金陵便謁王恒叔參知濟南
江上移舟汝亦聞能來幾日思離分高歌欲下
龍翔雪遠勢如飛雁蕩雲遶夢落花消雨色一
尊芳草送晴曛遊人自說江南好直是東方有
使君

縉雲仙都朝陽洞

西望雲霞近，括蒼層巒洞。終起朝陽天，衣炫碧
搖晴色丹。龜流珠飲日光上，弄鷄鳴連赤海中。
峰樹影帶扶桑軒，君正作遊。華夢起視咸池鬢
未霜。

送宋崇陽暫歸廣漢

可中風物半臨湘，冉冉飛鳬別鴈行。雪色西峰
含照久，歲華南浦逗歌長。新將家口過明月，且

詩

醉離情傷夕陽搖落未須憐宋玉蜀絃春拂楚
明光

過曾贈公舊宅時參知君如春在秦

天語春過紫鳳飛廬江太守信瞻依因通筆墨
稱才子自展盃盤借落暉獨弄那嫌交態淺同
遊初覺宦情稀沾衣一夕高堂淚公子秦川客
未歸

平昌得右武家絕決詞示長卿各頃泣不
能讀起罷去便寄張師相感懷成韻

哀響秋江迴鴈聲
雨霜紅葉淚山城
年來漢網人難俠
老去商歌客易驚
貝錦動迎中使語
衣冠誰送御囚行
長平坂獄星起可
是張華氣不平

和劉季德平昌一盞樓撫琴贈別

詩

八卷

十二

爲領佳山到却回石門南望卽天台鄉心度嶺
梅難寄秋意登樓鴈欲來疎竹風泉長自遶一
燈花雨向誰開祗應拂拭江湖外浪槳琴歌酒
數盃

寄樂石帆儀曹

鶯逗湖南烟雨慳吳江夜語孤舟閑山深薄酒
易醒醉天遠輕舄難往還作縣真如懸度國遷

宮欲似飛來山子公帝城能憶否下馬常眠雙
樹灣

送姜躍先寄懷周臨海

偶爾封書去海涯烟霜長是惜容華卽知張緒
當年柳正作河陽一縣花堂上琴聲淒綠水樓
前巾幘起朝霞思君欲似西園語相送河橋日
未斜

卽事寄孫世行呂玉繩二首

平昌四見碧桐花一睡三餐兩放衙也有雲山
開百里都無城郭湊千家長橋夜月歌攜酒僻
塢春風唱采茶卽事便成彭澤里何須歸去說
桑麻

偶來東浙係銅章只似南都舊禮郎花月總隨
琴在席草書都與印盛箱村歌曉日茶初出社

鼓春風麥始嘗大是山中好長日蕭蕭衍院隲
焚香

達公舟中同本如明府喜月之作

世外人應見面難一燈高與石門殘生波入檻
浮春淺細雨橫舟濕夜寒彼岸似聞風鐸語此
心如傍月輪安不知天上婆婆影偏照恒河渡
宰官

郝永嘉談處郡佳山水欣然

一郡高居接少微
郎官星裏送餘輝
江天直下雙門近
海寺東來萬法依
洞瀟朝陽雲乍起
樹懸春雨鶴初飛
因君得附雙鳬影
未笑吾兼吏隱非

甌江別鄭生孔授時生可諫
朱生九綸輩少年何意得追隨
夢到琴堂亦自疑
江寺龍翔

眠雨夜天台鴈蕩聽泉時留連世路青雲曉
漾春波白鳥知他日柴桑歸醉後筍輿相伴五
男兒

孔授人歸寄聲吏民

好在平昌舊吏民如今江表一閒人承明再上
三年計列宿曾班五度春戶外烟霞廻簿領琴
中山水寄情神秫田種後何人醉長笑先生漉

酒巾

答周松陽

長松冉冉月紛紛夜半留琴奏水雲夢去河陽
花似遠興來彭澤柳初分冠拋那用題神武飯
足誰教到廣文最是折梅春棹裡相思時許和
歌聞

答范南宮同曹尊生

南宮幾歲得爲郎曾伴飛鳬入帝鄉
薄莫縱歌燕市酒青春如坐少年場
萊蕪作令堪誰語子建爲文亦自傷
況是折腰過半百鄉心早巳到柴葉

戲答平昌建亭之問

墮淚書開淺亦濃
訟堂春草碧茸茸
看山忽憶排衙鼓
玩月時分出寺鍾
政與棲鸞同恍惚
夢

因爲鳥得從容何當更說征南事陵谷蕭蕭有
得儂

初歸東高太僕應芳曾岳伯如春

幾年清夢有長安不道臨川一釣竿雲路試留
僊令鳥泥丸初著遠遊冠樽開竹葉風前笑檻
點花枝雨後看直是故人拋未得欲開三徑與
盤桓

憶虞德園初去官時作

風光趁逐有情神
樹遶花飛欲墜
茵便作掛冠
成下品也應高枕
惜餘春山賔自覺妨賢
久旅食何當發興新
一棹西湖舊烟雨
蓴絲菰米最宜人

憶黃貞父并其高弟羅玄父孝廉

北高尊酒與淋漓
映漾黃家千頃陂
紫氣山中

雲卧久清寒湖上雪歸遲秋風客思尊千里夜
月天香桂一枝爲問羅含春好在後堂絲竹醉
同誰

次吳本如言歸

五柳初歸髮已班折腰真是強爲顏早知負郭
賓遊滿得似關門令尹閒風散墨香詩卷淨雨
吹花落印林慳猶嫌太史占雲朔官放僊鳬倦

鳥還

送王性凝叔彝還盱并問登州王使君

隴麥離離朝雉鳴偶然幽谷兩鶯聲鄉多載酒
來青舫年少遊仙自赤城彩筆夢移波浪穩長
廊春送雨花晴因風一問蓬萊守曾傷麻姑清
淺行

送傅觀察以故重慶起監平撫軍

詩

八卷

十八

卜築原知傍列星幾年克夢憶丹青兒童舊愛
巴人舞神女初過楚客醒遂有風雲生絕絃豈
無車馬係離亭鄉思錦繡州前月肯寄書生銅
柱銘

傳參戎朝鮮過家有作

提戈萬里到林胡袍血初乾寫戰圖雪意滿空
貂拂座秋風入塞鴈啣蘆扁舟小隊趨懷玉盃

酒高臺傍鬱孤忽憶書生舊投簪與君把酒
珊瑚

送劉參藩寄問東筦覃見日盧海疇諸子
曲江春老賦停雲病淺臨風一送君暫有公榮
宜對酒那堪孫楚卽離羣高餐露菊逢秋盡細
語霜鍾入夜分更折梅花問耆舊羅浮清隱最
相聞

同黃孝廉太次懷戴司諫廉海

戍客名標漢柱無
武陵悲曲寄門徒
應疎雨露過梅嶺
長憶秋風入鴈湖
地氣遠看猶戴斗
天心難問欲還珠
直恐登高易顛顛
木蘭陂上片雲孤

送葉梧從嶺海歸獨山

幾從山縣聽琴聲
君子堂中禮樂清
老去一官

成浪迹客來千里見高情梅花嶺外裝仍舊
鴈春歸別未輕向後獨山風雨夜相思時有夢
驚

葉特陽歸書以期之

山歸百事總忘情獨有恩仇氣未平壯子殤來
竟易斷微官拋去路難行三年兩度同悲喜千
里孤征看雨晴得借路符堪往返獨山秋有鴈

詩

來聲

爲亡遠謝平昌諸弟子

憶別絃歌泣鴈行
楚山魂夢亦蒼蒼
將攀滿縣花同發
何意吾家桂卽亡
半死三聲無淚續
千秋一些有情傷
不知向後三生石
能更杭州一
新陽

送朱山人元芳赴總河千總李公之招

遶天江色到窮崖
書記翩翩動客懷
但去雲間堪截海
相思紅藥正翻堦
傾心座上
行河筆別興
壚頭拂袂釵
自是公門能醉客
麴波春送酒如淮

送豐城游先民宣城訪禹金

圖與殘春三月三
恰逢遊子思江南
盃香曲泛桃花水
寶氣橫飛劍影潭
隔座爐煙分笑語
孤

舟潑雨過晴嵐年來最憶梅真子
浩唱閒敲碧玉簪

送胡元吉饒陽

五月驅車亦自憐三回來別見周旋
雖貪絳帳無多日自是文章美少年
片月夢回青雀舫好風歌送白華
編芝山秀色年年賞容易秋光玉
茗前

送宜水鄭青陸歸甌寧

端居長夏思紛紜
鄭谷遷鶯遠聽聞
半榻好風吹海色
一尊疎雨過炎氛
丹青閣迥宜衣紫
荷玉山深引幔雲
別後故鄉高宴盡
不堪吟望武夷君

送張自雲兄弟歸新渝

斷橋官柳繫船輕
年少馮高一送迎
玉茗種花

閒令尹秀江紆錦待儒生當歌逸興風前滿
酒相看雨後清家在吟峰好秋色鴈行飛作鳳
鷺聲

送朱鴻臚使粵還朝

冰雪堂閒寄碧潯蕭然有客自山陰經趨半榻
蓮花府名在中朝翰墨林河朔坐銷殘暑氣嶺
南歸負歲寒心沾襟忽憶常朝日傳唱初瞻王

殿深

送張廣陵

淮海新恩喜復驚
太行親舍舊含情
知心彩袖三年別
自倚冰壺六月行
江禕瀑花吹短鬢
石城秋雨送高旌
相思玉茗尊前月
得似瓊花夢裏清

戲答錢塘姜永明

詩

香奩艷曲省曾傳不報情知越妬燕拚死可令
花性惱貪生直爲酒壚憐僂妓作伴防偷藥女
俠難教唱採蓮猶有錢塘舊蘇小打開油壁上
郎船

留別憲汝上罷丞還院

帝城風物自羈棲世局談端一馬齊龍尾共窺
雲似綺峩眉相向月如珪攀翻氣象銅梁北澹

蕩文章井絡西不有海沂王別駕
佩刀誰與分攜

送黃歸安

年少風神最曲臺復行仙縣稱郎才
燠開竹嶼浮沉玉雨隱花渠大小雷
別墅碁行拋舊偶過堂衣好趁新裁
相思莫忘關南信盡寫湖光入早梅

送馬臨淄時有采木之役

如梁歸騎映繁臺長向關東雨露開浪水豈忘
歌白石雲門兼得候蓬萊清尊鼓瑟齊兒事仙
縣行春漢尹才蚤晚殿圖西使出天淵神水較
東來

喜昆明劉茂學出宰新都緬懷楊用修作
十縣辰方待此君昆池蓮葉佩氣氣家通折坂

風詰近路入朝天井絡分積雪淨聽柔曲理繁
陽初製錦川紋知君自愛青藜色不似前人薄
子雲

七夕送李叔玄新第表還求春成禮

粉面僊郎赴鵲橋歸槎海上路迢迢流蟾桂葉
香攀清小鳳桐花翠欲嬌直取春粧明錦畫新
分御燭引華宵懸知向後明光夕枕帳薰爐厭

寂寥

送沈師門友張茂一餉使歸覲藩州相國
有感江陵家世

別酒霜林醉碧曠省郎將餉雁門軍鄉關畫錦
衣如雪沙塞春旗陣入雲紫氣尚憐張壯武青
韶同事沈休文爲報富平堪卧托冠陽今日不
如君

過安福舊邸口號

宦學新移近禮闈行經舊邸思依依飛帘巷口
人曾拂舞纓銜心馬似歸粉障自尋題處迹薰
爐重對護時衣歸家少婦迎門問粧閣簾閒燕
可飛

同沈微盛送錢國賢賁武成侯詰之廣陵
歸覲

杏池芳宴托交新
松樹移居卽舊隣
土路天廻綸誥彩
倚門春屬使車塵
維揚郭外鶯花滿
攜李園中燕喜頻
爲報河陽須妙宰
板輿親御太夫人

閨本元冲無錫入銓

燕吳長望海雲空
千里郎官列宿同
寶氣經年逢令尹
名流今日候山公
吳恩曉拂金臺霧
脚

晚秋高玉樹風獨笑稽生貪計閣肯令人在絕
交中

送王道父歸侍稷山

王郎白髮已暉暉并向恩光入禮闈鳴驥晚辭
中坂起慈烏春繞夕陽歸平林月出姜源巷嫵
水雲生舜女扉花下獨陪王母宴恰分宮錦製
紫衣

送婺源潘去華司理東旣

二毛何限興難降
丹筆初馳過海邦
古驛芙蓉雲入幔
石門秋雨瀑臨窓
高標北斗千年氣
皎鏡新安百尺江
豫想還朝侍簪筆
一時清望恐無雙

送陳公衡永嘉歸蒲中過別

臨湖秋色秀莆田
選勝新除大玉天
鄉路乃歸

殘燒盡海門舟過夕陽懸
既國地氣遠星斗工
謝風光隔歲年並道公卿
饒在樹君家能似大
丘賢

聞俞義烏稍懷外除慰贈之

舊塢爐峰隱竹衙此君才地稱清華
相逢南陌人皆嘆暫守東遷只自嗟
樹色籠晴雙騎遠雨聲過雁一帆斜
縣前卽有登高處會待陶潛就

菊花

徐本充餉遼西歸有懷葛和父

婺源新尹并吾兄此日春筵舊鹿鳴
候闕苦爲彭澤米存鄉先乞度遼行
單車北渡愁冰裂遼鵲南飛愛月明
便作紆迴成底事蚤禁華髮向逢迎

除南奉常留別沈胤盛亳州

比舍遊蘭共夕薰參差選下欲離羣
五深梅雨沾衣色歌罷流鶯接座聞
僊治自然依道德霸臺長是宿風雲
惟餘濠濮千年意秋水盈河候使君

沈性父司法永平

茗湖嬰谷正春聲年少驪歌別有情
卿月會看連袂入青雲
邠逐去旌行家風沈約存南宋國

計田疇在北平石柱未移滄海月瑤琴真對伯
夷清

山陰何比部南行時同觀政春曹輪食漆
半而別

食簿輪君興卽殊山膚海簋盛行厨能文未老
遺顏署奏試爲郎似許都賸有一金漆醉色可
無雙玉護寒途南曹不下山陰勝晴碧花光清

後湖

戲贈涿鹿劉孺新襄垣

千里虜河苦霧澄
搽祛一別會難憑
賓階醉月存歌笑
仙院朝天識拜興
臘盡扶桑歸涿野
春生片石度韓陵
玄明不問山陰詠
若大腰圍飯一升

送陳悅道使餉白登歸楚

長共梅生泣微裘秣陵高與此時收春官別署
移星鳥秋氣連河辨斗牛畫錦待留三戶語水
衡將餉五原遊應經畫女神靈地一笑君家戶
牖侯

南海郭觀察夢菊約西城寺琴集別袁洽
州文毅

高懷何日結交深綺陌翻爲行隱尋過雨汾陽

移白恰開春海色薦鳴琴雲浮睥睨烏棲樹日
冷招提鶴在林夜半表宏高詠罷滄州頭白故
人心

送許開臣姑蔑

浦城南望卽鄉關赴詔盈川得往還拂騎曉雲
關樹紫轉帆低照岸苔斑生波月上漁郎滿喜
氣春開鵲豆山物論邇來資過客肯從零露一

追攀

寄羅青浦有懷舊令長卿

詔下園桑與度田
五茸飛鳥去翩翩
時同漢殿迎宣札
自愛梅花索往篇
關月曉舒連騎出
海雲春重一帆懸
江東吏迹能招隱
有客鱸魚舊釣船

哭陳寶鷄貞父

鳳去陳倉見玉京
楚歌燕筑最含情
春榮袖枕青童送
夜雪幃籠白馬迎
嘆世動如臨廣武
爲官應與築懷清
身後故人誰作誄
元方兄妹已先成

虞長孺話歸飛來峯

幾年芳草思王孫
今日離心向爾論
歸去月華雙樹曉
飛來雲氣一峯尊
花龕入定光難覆
竹

滿行歌響易奔更莫衣冠挂蘿薜空令猿鶴夜
驚翻

梅克生座中贈袁天台暫歸廣陵

今日逢君忽不驩十年賓從曲江寒幾窺煙液
浮攀桂復報風心罷采蘭楚客夜過留佩語
姬朝醉拂琴彈還嫌失作神仙令只尺天台控
鶴難

馮開之綺閣夜歸徐茂吳

石渠清切綺雲高珍重宜春舊法曹
河朔亭臺過避暑江東帷蓋欲生漚
關中納客談何易閣裏題村事已勞
但醉獨愁鄉夢遠西湖風雨似離騷

送陳瑞實海康

漳山名第得如君漳浦能開錦繡文
陌上橫鞭

詩

八卷

三三

初接語花邊解佩若爲分關山馬首河流見海
國鷄鳴夜定聞暫向九龍催傳發雷陽春色待
行雲

送費閩簿

風物如人獨儼然公孫家世似秦川曾遊太學
稱高弟爲厭鴻臚乞外遷去國夢隨燕月盡過
家春發島雲連俱夸十里芙蓉色不負嘉湖十

萬笑

西川學使郭參知斐調西學

日起移宮向越賓一增清論滿朝紳新參古色
歸懸鏡舊士高談憶角巾蒼尋獨行雲氣曉桂
林闌望洛容春鬱金美酒湏饒作何仁風煙老
却人

初秋邀于中父呂玉繩孫世行樂之初邸

閣小飲

巷無車馬帶京華
雨過青瑩襍樹花
對客動須眠白日
懷人真似憶長沙
衣開縷篋枯虫落
鋤响鈞簾觸燕斜
冠帶和君渾不暑
江南秋思在蒹葭

方衆父選得冀州自笑今日開籠放白鷗
矣因渠服色嘲之

河朔麾旄照別顏十年秋卷起雲間袖書觀闕
凌風並命酒軒墀載雪還遠唱折楊連曙發應
過扶柳及春攀同門幾月仍同署具曉襟情似
白鵬

戲贈盧國徵使催藥材松江

托道盧郎是國工春年調御使車同方夸遠志
來江左便學懷香去海東玉兔待懸霜杵下金

詩

人遲和露盤中白頭羽翰尋常事折莫倫窺尚
藥籠

右武侍御視馬

簾捲西山柱笏看風塵馳道雪初乾府中聽馬
隨官出殿上危冠取次彈去色關梅逢臘盡歸
心陌草避春寒年來印秣渾閑事直是天情惠

養辭

南漳魯子與山理廣州通別

朱信制繆老卞和少年風骨動鳴珂行隨世路
追歡少坐歇流芳飲恨多橘溪乍留珠佩語
關直上層雲過參差六月天池水撥刺飛騰奈
汝何

同丁右武送萬和父婺源

紫陌風曠散遠珂美髯清骨病如何春秋得附

吾流少吳越爭趨晚進多興發松篁時自語佩
參蘭芷日相過心知選勝鳴琴日只愛新安百
尺波

梅庶吉公岑席中送衡湘兄固安

固安孝廉時同

在余許二師南祭酒講下上春
官復同第二師門下云

曾陪相國侍飛簪把劍長安雪夜吟八月寒濤
湘夢遠十年春草禁烟深雲開赤縣雙鳬映花

橫廬臺兩鬢侵復是連枝爲太史每逢朝朔候
輕陰

朝天宮真人夜語

氣成龍虎萬靈朝太乙高煙午夜燒
燕昭
通劍履夢殘松桂發笙簫
琴心且試齋中訣寶
甕還馳世上妖不爲盡詢瀛海事
止將靈氣屬

答帥思南趙北聞予捷喜自嘆不遷之作
燕市何人發遠悰邯鄲薄酒爲君濃三千奏自
進方朔六百官今過易容軒蓋飛時猶避鶴壁
窺處暫成龍羅施未用愁山鬼大好湘沅雲
水重

送劉司理平樂

四百灘龍萬里遙莫雲官興遠蕭蕭靈蛇入解

青成怯翠鳥吟笙久自調過雨竹衫高白曝終
風草閣亞紅蕉休驚少婦啼珠盡留與猩猩血
比嬌

朱大復舒城

鵲渚逢人報好音龍舒君長挾青琴太湖水色
經灤淺郎位星光入斗深秋士共悲風薄木春
官曾作月開林漢臣朱邑原鄉里家園情兼歲

祀臨

寄傳郎將

君家門戶起樓蘭幕府新參兩鬢殘
徒步封侯當日易可人相薦此時難
火旗夜扇閩山熱冰劍秋生海國寒
却笑同時章句友一生金印不曾看

鄴中關繆侯祠

起壁叢祠非故鄉
漳河懸絕舊荆襄
輿圖并借
神戈色廟貌全依秉
燭光運去英雄猶嘆咄
靈
來風馬欲踰眼今朝
朔望流歌舞何似銅
臺對
魏王

王荅堂全集

玉茗堂全集

臨川義仍漫筆

詩

七言律

恭遇端陽 賜閣部官臣采扇官縷諸節

物有述

令節恩華半水蒼 綈賓朱曲御金堂 九華扇出

詩

九卷

一

分涼遍五色絲縈續命長
咄艾靈符教辟惡浴
蘭風物鎮生香上陽百草
無心闔競折葵心捧
太陽

春卿初夏喜雨敬和

觀政時作

龍角宵闌敞曙曦春官對雨出花遲
輕占夜果含卿月淨洗朝埃拂帝墀
禰霧暗沾三秀草和風新濯萬年枝
爲霖得奉人天喜還憶高齋護

麥時

懷計辰州

徙藥攀條興不違古來賢達宦情微愁心欲報
流黃素遠意空留明月暉桂嶺雲霞過客夢武
陵煙雨逗人歸同在都門不相見可因岑寂避
芳菲

前廣昌令胡君仲合白塔小飲

詩

眼裏金臺不可登。江天一醉幾年曾。巾曲檻
過鳴雨。躡步斜陽到塔稜。咏逐蟾流開夕帳。坐
分蟲語暗秋燈。談交亦自風塵好。獨宿孤遊也
去能。

送丁休寧

曲江兄弟半吾遊。總愛鶯聲出谷流。紫氣獨叅
蓮幙曉。白巖相候水簾秋。春心賦傍絃歌發。夏

日歸燕喜留共道三公人可作功名澤欲徧
孫劉

潞河迎拜龍峯張老師公起越中卽授虔
鉞舟中琴客碁師蕭然求夕高而賦之

壚峯瀑水自招尋十載煙霞積望深河上牽帷
新繡斧關南迎拜舊青衿身非從吏容窺局心
在明主獨抱琴秋月半空渾不暑偶然乘雪坐

山陰

劉君東下第南歸

漠漠蒹葭映夕陽
同人秋鬢十三霜
鳥棲夜月移牆影
蟻泛春風拂座香
筆墨興隨歸路緩
綺羅情共落花忙
猶憐獨馬關南去
滿目青雲一鴈行

再送君東

風嘶鬱柳聽彈悲洛下彈冠歸去遲
尚拾流螢窺太乙還驅積羽向天池
雙歌舊國桃根葉獨嘆承家桂樹枝
青眼送君頭欲白十年多半里
中兒

第後寄玉雲生有懷帥恩南

深尊小拍近如何興淺當年恨別多
秋幙有情留燕語春林無那厭鶯歌
香風射雉饒丁壯生

氣臨書有甲科解道邇予能極浦故人雙鬢古
牂牁

送陳立父理越

承家丹筆下青墀雲杜葱蒼玉樹枝世次共推
陳子傳刊名高借董生帷風光絕嶠雲疑處雨
氣殘湖月上時飛旆自饒清興發越東山水最
宜詩

送錢用父江陰

新拋浮玉共朝叅
軍服籠身百事堪
一騎到江乘夜色
雙旌迎路擁朝嵐
時非季子空羣鶴
客過春申肯罷談
最好鄉關連震澤
含山煙雨正東南

劉思雲錦衣謝客服餌代諸詞客戲作

舞盡琵琶奪盡籌
錦袍長對敝貂裘
身當列第

詩

宜張楚客向登樓欲仿劉鼎似芙蓉那換醉芝
如翠羽詎銷憂年來世路縱橫裏公子何能學
卧遊

送時確山暫歸蘇臺

蘭省香銷盡日閒綠槐幽鳥晝綿蠻簫齋愼夏
憐同病客舍悲秋送獨還歌棹雪迷芳草徑轉
旗春動穆陵關思君正在留連處一掬梨花酒

半問

過宛平縣治憶庚辰春雪寶鷄令陳貞父
同訪李峯峯時雙鷄飛舞今峯峯已去
郎位而貞父物故鶴猶迎舞法焉悲之
居然赤縣在神州不是龍門共大丘白鶴
懊來迎舊舞玉鷄飛去夢前遊傷心有客
山陽笛滿目無人雪夜舟好語世人珍重
別交情生死卽

詩

難求

送任文肅理鞏昌

蘭署君初出隴西暮雲春酒惜分攜曾無候吏
來朱圉卽有家書護紫泥滿目鴛鴦迎岫舞出
身鸚鵡背林啼門庭舊事清如水法宿高居太
白齊

張司法入關有懷李漸老中丞

百泉泉上拂亭塵京洛辭秋遠入秦關
倚芙蓉雲氣紫鴈迴高掌月華新
金科暗用儒家筆水鏡光隣上國珍
爲報卿才除陸老可將深坐向誰人

陸公五臺與李公
有道濟之望及之

送周明行臨海

旌蓋霏霏遶曙霜仙鳬秋映鴈南翔
川分闕嶺江雲盡山入高麗海岸長
千里家園馳御母三

詩

台列宿始爲郎知君未愛元明飯暫與加食思
不忘

樂石帆旌德曉發

關門塵動日猶啣樂令杯行興不凡走馬驚香
新墨緩鳴鶯出谷舊青衫秋風隴首雲隨蓋夕
渚鄉心月映帆僻縣到來心自遠琴中山水隱
層巖

劉諫議出鎮金州暫歸長白

妙迹西遊諫草閒憂時長似快心顏
太常陵墓清齋入長樂鐘聲遠夢還
副岳廻旗開白日靈河邀佩出藍關
由來隴塞功名地不說吳都侍從班

送姜司農入秦

茂宰曾標濯錦才同官幾歲鳳凰臺
言通茹醬

詩

時抽簡酒到郾筒一命杯遂赴秋期秦隴上卽
看春色漢江迴涼州舊宅潭無恙長似西平駐
節來

送習司業赴北徵

習前官太史以
失江陵意謫

爲著陽秋出建章十年徵拜自嚴郎承華漸入
東僚貴佩玉還留西序光暫過琴亭貪衣錦潭
參講殿一含香清時舊德宜開閣獨笑孫弘在

太常

李惟寅宅恭閱洪武天容衛岳碑有贈

神爵推恩接上勳
列侯人地恣推君
新開禹跡移朱岳
舊展天圖拜紫雲
書省半參江左客
柳營初接殿前軍
甘泉羽檄年年異
滂倚清時卽好文

送張客曹備兵安縣過家青府

幽臺風物正吾流
竹塢花溪幾獻酬
遷客舊題華省恨
爲郎新作錦官遊
家山海日過殘暑
閣道秦雲屬蚤秋
萬里雪山當露冕
知君挾纊古綿州

送顧思益膳部

桂苑分華得金年
幽臺文物早周旋
陵祠再接再春官
禮歲氣雙歌雲漢
篇奏計甘泉
逢避暑歸

心大火欲流天清秋攝篆真饒事剏與閒曹乞
俸錢

至日恭聞 皇長子有慶兼以雲氣占年
喜而敬作

神臯千里鬱葱青鸞鶴三山繞御屏齋宿但陪
雍時禮端居惟覺奉常醒得逢長日皆天日幸
好前星接帝星滿目黃雲新歲美應書寶鼎在

明庭

神樂院夜醉羽客

有客邪教不醉回
惜無多酒注深杯
鄒生正解談天去
蕭遠何曾辨命來
帝樂西樓遲夢曉
空青南園逐花開
煙光海色尋常度
未道年年髮催

陵下寄新野申齋宗正

大府周南接華嵩親賢文物映江東
書拍翠碧流溫水詔領鴛鴦出閩風
宗室舊推劉子駿王孫今作魯申公
千秋一倍章陵色自是鍾陵氣鬱葱

送臨海王福州暫歸覲司空作

爲郎飛割有才名漢守威儀重列卿
暫與初禪遊戲出寧妨終宴踏歌行
東甌地脉高連海南

部星分赤遶城盆向中丞饒問業青箱還與記

昇平

初入秣陵不見帥生有懷太學時作

佳人遲暮忌何其直是郎潛世不知世路未嫌
千日酒才情偏愛六朝詩入門便坐從炊黍上
楊橫眠聽解頤獨怪過江愁欲死眼前秋蟹要
人持

送敖學正同知大理

家世初當紫淦城
楚黔流寓借才名
心知故國琴尊淺
愛聽諸生絃誦清
萬里靈關新佐守
五雲春色倍逢迎
一官何日麾能得
洱海蒼山不厭行

爲濟南周太常堂翁從金陵寄壽楊太宰

太夫人作

碧霞春重海門煙大老承家最得全總是東人
官讌喜遙從南斗拜真僊桃花落暖三千歲青
鳥函開尺五天朝會自公初進酒年年聖澤下
中涓

人日奉別郭京兆并懷李漸老都堂

河尹初徵入帝京陪圻簪綬遊逢迎三秋佩惜
紅蘭晚七日盃霑綵勝行親在家國逢令節人

從霄漢接春聲何緣更借中臺色四海仙舟李
郭清

公餞重陪郭京兆暫歸晉江京兆起清江
令爲御史有清直聲

看君真似玉壺冰南北長爲京兆丞人入新年
宜薦酒春祠太一待燒燈祇聞舊國歌風好曾
見清江攬轡能綠鷁動羣羣俊滿一時雲海映

詩

九卷十三

飛騰

牛首飲林尉平將出守南寧卽贈

寺湧煙花滿石梯
還畱春閨與攀攜
端居玄武湖心北
出守蒼梧雲氣西
月上芳林人去遠
霧迷釣住鳥飛低
心悲道暝南行日
江嶠籠晴挂飲霓

送蔣祠部使歸宜興

仙郎鳴佩出東曹
碁局芳尊整自豪
興匪香臺還芍藥
禮成原廟恰櫻桃
春風閨月宜陽羨
舊宅滄浪似漢臯
爲報明年聽鶯蚤
君來吾欲泛江濤

曾公如春備兵湘中徙視秦州茶馬有寄
世路悠悠鄉里親
端居忽忽意中人
鄉書近鴈宜留楚
國計平胡飲借秦
日照宛駒成汗血
風

生漢節動情神何緣一劍崆峒外州縣徒勞困
此身

寄李銅陵有懷余參知先輩

神泉候館得神君彭澤鄉音接署閒興發天船
雲際落朝迴仙履漢庭分梅根歲月逢南驛鵲
渚風煙望北軍獨是參知舊來往爲予長拂五
松雲

真如院送井九一歸池陽

諸主好事與談文
井幹凌雲動不羣
賓從春曹南典客
主家僊館上元君
林花岸拂舟前雨
隴麥江搖衣上雲
別後心期在秋浦
十年秋色幾平分

送陳比部憲蜀暫歸福清

西郎南署未浮沉
執法新看橫帶金
福海旃檀

逢世早玄湖煙月映人深孤雲一握旌麾色長
路三秋井絡心便似嘉江向離席竹枝千里暮
猿吟

達公忽至

偶然舟楫到漁灘慚愧吾生涕淚瀾世外欲無
行地易人間惟有遇天難初知供葉隨心喜得
似拈花一笑看珍重別情長憶否隨時香飯慚

加餐

悠然堂括蒼賓巖師隱處

洞壑辭春蚤閉關偶然開戶見南山悠悠欲傷
辭雲去忽忽那知采菊還碧海心期扶杖裏各
山遊記卧樓間朝霏暮沓成何意傲吏懷人向
此間

送下生濟南訪舊

詩

綠雲晴色映江干。罷酒乘舟一送歡。一飯共憐
滄水使。十年初謁漢祠官。新知結綬人情易。未
路分金古道難。莫爲秋風苦畱滯。鵲山明月夜
飛寒。

分水縣訪桃溪潘公仲春出桐廬秉燭遊
僊洞香襲人衣十餘里不絕

分水懸帆就索居。霑中信宿下桐廬。青山晚棹

桃溪遠紅樹秋燈草閣虛仙洞半空行炬蠟生
香何處滿簪裾開舟更下神靈雨煙霧霏霏總
襲予

送吳漳平

恨不琅琊笑語頻因分醉玉表情親來攀桂樹
招淮客去傷梅花問海人別棹移句將慰母仙
方辟瘴好隨身離懷獨贈西山雪持照深裾覆

詩

淺塵

次韻蔡青門雪唱

遊子開尊奏苦寒，青門餘雪動簷巒。
影英似拂梅花笑，積素徒悲蕙草殘。
自有仙人明鶴氅，可無泉客奉珠盤。
春筵几闋能霏映，長作雲霞半壁看。

送汪青城

嵩室榮光異大河梁園歸去莫蹉跎
冰漸洛浦黃塵少春傷雲亭碧草多
見說閒情高飲興能憐孤憤一經過
由來漢署憐終賈半壁青城奈汝何

答張兆文

衣冠馳道出香街書到纔開百日齋
已報珠輪隨月長誰教寶劍逐年埋
千秋氣色空流覽十

載風煙有素懷爲道四愁能見擬陸機家宅近
秦淮

送南盤屋

舊與周旋懶折腰秦關漢縣此中饒煙花曉動
連雲樹雨氣秋深亞柏橋扇裏行塵過暑路尊
前別色起良宵龍門再度應回首嘶絕何將比
市朝

寄章衡陽吏部公舊以郢令起當塗清方
見擢喜之

氣連三輔日舒遲
猶記荒疲奏最時
世路玄同
關令識故人
疎懶巨源知
當筵尚駐陽春曲
過
里微聞疊盡詩
欲附青雲澤不少
獨憐寒谷未
應吹

寄麻城陳偶愚懷梅克生劉思雲

詩

九卷

十九

逐夜秋風動井梧幾年無雁向江湖花邊說夢
銷閒好句裏拈禪發興殊幕府才華千古盡錦
衣人地一時無曾同弔屈今垂老猶自招覓楚
大夫

城南塞上李東華少年以善禁方得幸貴
人補吏往赴于越李開府薊門調理將士
十年旅食路猶窮一騎曉嘶塞土風幸以岐黃

趨大府總將文墨事深功方抄熠燿曹丞相
奉驍鯨馬侍中軍吏自公微問取藥籠能許護
英雄

金右辰客相公所過訪上蓋

偶從一食過伊蒲自恣室誼飲興殊勝事芙蓉
依綠水高談罔象出玄珠徵歌怕逐千人和授
簡傳驚一坐無更上聞雲高百尺時時殘醉倚

江湖

同孔陽宗侯陳伯達陳仲容小飲閒雲樓
子墨掀書氣若芸我朱清酒笑爲羣江鷗浪蹙
臨樓淨風燕簾斜覺坐曛遠磬一聲分暝色暮
帆千里帶晴雲扁舟欲濟何年事領取閒情閒
扣君

明遠樓陳伯達陳仲容仲宣去諒夕燕前

有宗生在座引去留之遲歌兒壓雪不
至

南河五月似新秋晦日寧帷接勝遊酒半竹厨
連霧暝夜深渙火帶螢流門迴綠草分車馬座
借青藜切斗牛莫爲麻衣驚避起高樓曾爲至
公留

湖風日夕雨初晴鎖院堂閒坐復清堂迥客過

詩

歸燕喜草暄人語夜蟲驚高歌轉覺停雲重
舞那須厭雪輕况是斗牛清切地陳家今夜德
星明

送曾東卿廉州以予前謫雷陽問路答之
東人垂淚向君侯石闕祠堂不可留家近栽
樹思蜀雪身將愛子入炎州心清碧海珠難
寄道暍梅關火正流賴是雷陽舊遷客題書
堪寄隄

湖秋

見東人扶道遮留曾明府者曾故蜀材曄
朗再考人無間言數薦宜以高第內徵
苦貧甚劬郡貴公子索之不能應遷廉
州丞士民悲而祠之婉戀三日亦異也
廉吏不可爲而可爲

却從常調過梅關吏部那知父老攀路入瘴雲

詩

隨桂遠心將明月看珠還扁舟曉夢連王峽銅
柱高牙劍日蠻特爲東人留信宿思君常在大
廉山

送晏禮垣陪都公臨川沙河元獻後徙寓
南昌時封事十不報一風景去予祠部
時遠慨焉

春酒纔醺晝錦濃千山欲送雨重重江花日出

看盈把諫草天回下幾封家近章門移市宅班
兼祠部憶朝鍾千年相國風流在長向沙河問
濯龍

寄蔡叅知江陰叅知先公長憲於越而余
于南署時有目成之契懷之

耆舊相思日幾過八閩簪綬最情多新叅按節
風雲遠舊署含香雨露和江館夜燈留燕語游

門春汛屬渙歌扁舟一卧堪來往別恨年年賦
淶波

清都一飯許年華每夜章門望劍花上路旬宣
新節鎮外臺官屬舊通家衙參曉散江沉月
黯晴飛海上霞乘興就君拚一醉慧泉新火
畫溪茶

送黃炯正

仙縣談交玉馬羣獨留芳月照餘醺燈深遶座
江湖色年少承家錦繡文豈有門牆高日月長
存逕路接風雲君歸莫似春歸急病起鶯聲得
乍聞

病起檢理破篋中見蕪陰故人俞白麓陳
王庭夏辛岑劉居仁書泫然久之

年少過逢得好看故人無在獨平安雲霞過客

情千里風月關人事幾般語笑目成春夢遠吟
愁心逐夜江寒拚知不作重遊興便去新歡豈
舊歡

送東鄉翁明府北徵暫歸常熟并懷長公

青瑣

祗聞中秩賜黃金何意徵書卽下臨七夕星河
隨棹遠十旬膏雨訟庭深謳歌幾處甘棠色建

禮中宵視草心會是金門連夕拜雁行清切鳳
凰音

饒二十舅到中黃渡不欲西嚮之

好風長日病留連頭白相過四十年便作雨添
衣帶水豈無人泊釣絲船心衰祗覺身難寄累
淺纔知老較便試問沉吟閨閣裡何如調笑酒
壚前

送黃冲輔西歸并示李孺德

風漸蘭澤自名邦
賸馥懷書玉茗牕
來似枉川窺劍浦
歸從間道得清江
三冬雪借寒暄盡
千頃陂看意氣降
勝事眼前飛將在
射鵰吾意欲加雙

送金谿丁明府北徵暫歸宜興

六年徵拜詔書遲
千里幃帷士女悲
暫借刑名

推長者終拚意氣答明時褰帷欲佇雲林色襍
被徵開善卷祠郎位一星休更徙名賢多在白
雲司

送胡瑞芝以東粵右丞入都行仲秋大慶
禮 萬壽日十七 千秋日十三竒逢
盛際也時君方以平播功貴望之

十年清望紫薇臣南極星趨拱北辰萬歲歲當

言
九
言
嵩九祝千秋秋正月重輪芝英瑞寫雲中表金
鏡光傳海上琤兒是平南多事日衮衣推鉞更
何人

新買谷南高岡卿比舍卿病廢卧久追念
昔時歌酒泫焉

沙井西頭少僕居江梅趙禮昔賢餘新知一病
同歡少廢卑千金買宅虛月下笑聲分的皪風

前素與寬消疎猶憐出餞鳴騶日誰信按與歸
車塵

送查虞臯叅知以悼亡無子致政歸餘杭
十年簪履記行暉起拜新叅今復違獨夢越山
江嫋嫋雙旌滕閣雨霏霏芰荷香動歸心遠仇
儷情傷春恨徵向後東山仍不免遶堂蘭桂一
牽衣

忍將高卧向明時
春望瀾瀾春氣悲
水淥西冷懸夢早
花飛南浦送歸遲
清標豈分風塵得
達意將爲佞鶴私
獨嘆吳公舉年少
一時門地拜尊師

尊師

時吳體中明府薦余子弟上學者四人及之

送胡瑞芝開府貴州公
美客溫度前以平
播功賜一品服及之

陽柳青絲繫玉壺
相看那得便長驅
天閑奉御

牧龍種邀道將軍佩虎符
節鎮舊移片
旄曾過水西無
年年繡服春風裏
今日麒麟

齋圖

奉答石楚陽

晴雪初霏木葉紛
遠憐同病得相聞
衣簪正渴
黃梅雨枕簟常思
廬岳雲壯氣一官成
自免暮
情千里更何云箋
許閉閣渾閒事
長伴漁樵到

詩

九卷

天

日曉

送淮揚分司吳年兄并同謝山子

十年南署水衡清
大府仍高京口名
不惜鹽車催遠道
那堪驥櫪起長鳴
門連水墅青尊色
路遶江關鴻雁聲
暫過維揚作鄉語
吾憐小謝最才情

送楊太醫常山

倦遊心跡自悲傷者舊相過語興長能更久忘
舊嶺路仙家仍住玉龍鄉三秋采艾思盈掬五
月浮蒲客在堂歡食幾時那便去肯憐衰病一
留方

答孫鵬初太史華容

蕭條塵外省追攀獨有懷人意未閒夕拜共瞻
星斗下晝遊長望水雲間波生木葉連江渚寒

動秋烟隔楚山借問湘沅舊仙客一時捐珮幾
人還

何年太史動浮湘行遂初衣理芰裳春思路漸
汀芷綠秋悲庭覆井梧黃百年緩步高曾後千
里同心屈宋傷今日登高成獨醉洞庭相憶酒
泉香

別石帆兄嘉水

楓落吳江一小航
繡衾無語夜登牀
如予欲下
山中朝似爾能拚
水部郎去日漸多
烏遶樹舊
遊誰在馬驚香無
緣更踏東華月鶯
逗湖西一
斷腸

九日答王天根

淵騷長分見無因
千古談交得遇旬
堂上燭花
偏後客江邊雨雪
正離人初悲卧病
江湖遠猶

憶探春洞浦新舊俗龍山高興盡終朝采菊爲
誰親

送楊龍泉兼問平昌舊士民作

十縣龍泉稱大方遠來人吏亦冠裳河橋舊聽
吹簫好秋色遙看製錦良每及同官趨燕堠頗
思前令在平昌蓮花遶郡還堪賞爲寄雲霞墨
數行

別館專開叢桂秋好溪千
里舊曾遊
朝霞重君子堂深宿雨稠
梓社青雲殊自喜
鄉白髮更何求
少微星動重遊日
會向留槎
上畱

送顧亭之東歸

耆舊熒熒江夢悠
素衣初見草堂幽
山王去後風期盡
公子來時氣色留
獨夜雨聲思秉燭
東

行雲樹憶歸舟君家兄弟如羣玉衰白能從顧
俊遊

送王松潛寄懷蔡絛知威茂

長安西盡一維州獨坐邊樓得借籌萬里軍儲
從灌口百花風物寄遨頭懷湘賦許江籬泣入
蜀書因蒟醬求未愛王郎輕九折同官欣作錦
官遊

送徐鍾漢守清

萬里雲開五馬行一時風雨驛高旌人從白下
通來往家近南州失送迎到罷自憐冠蓋美還
鄉真作錦衣榮因公漲海銷炎暑六月蒲塘對
月清

平昌鐘樓晚眺

可憐城市欲紛紛直上層樓勢入雲獨樹老僧

歸夕照一山棲鳥報斜暉
初驚梵唱凌空靜還
隱鍾聲入定聞忽怪夜來星
劫曉諸天於此震
魔軍

入粵過別從姑諸友

祠郎杯酒憶京華
夜半鉤簾看雪花
世上浮沉何足問
座中生死一長嗟
山川好滯周南客
蘭菊偏傷楚客家
欲過麻源問清淺
還從勾漏訪

丹砂

寄贈分宜李淮南明府奏景

久辭雲漢絕通津
千里餘光恰照隣
仙舄候占朝朔遠
微陽江動楚萍新
風烟入望能忘興
湖海論文必有神
傳道淮南續招隱
宜春春酒正宜人

喜陸君啟進士榮歸大越爲母馮太夫人

壽

當年曾誤食金桃親見雲中陸字高壽母自傳
天女籍仙郎新看漢宜袍芝殮嶺宴逢初度花
勝宮簪映二毛海月半天春共達時從西母聽
雲璈

驛下蓬萊氣色新陸郎歸喜報慈親元常聞法
應千載天姥晴光始六旬玉樹臨風香遶席碧

桃承露醉宜春心知彩袖家園裏笑問當年懷
橘人

送岳石梁仲兄西粵

汝兄頰髮舊蕭然十五從君計吏年世事始知
暮局淺悲歌全賴唾壺堅春光老去碧湘盡
雨青來寒燒連欲向蒼梧同謁帝一時魂夢九
疑烟

詩

夜半傳盃玉茗堂一麾千里寄宜陽登朝積歲
澆何薄失路逢知語自長客興湯隨春草綠臣
心真與帝梧蒼何時獨宿天台上風雨莓苔看
石梁

九日送王巽父兄東下作

名賢離離江上楓微軀輝欲送江東驚看壯節
同心友來共黃花白髮翁獨宿自傷千里外重

逢相憶百年中
蒼茫後會知
何得猶望加餐粥
淚同

得湘中陳獻可書感寄

獻賦明庭坐數奇
黃沙匹馬憶追隨
百年夢盡
沉湘客千里
書開采艾時
戶引薤泉宜漬酒
家臨韶石好吟詩
相思會面終難得
便作冤招祗淚垂

詩

九卷

三

哭戴愚齋老師師微病書偶語于門荅筆
而逝語云百年混世今朝始得拋除一
笑歸真俗客無勞挽弔

生死虛空一幕朝由來得道始逍遙心廻日月
光猶長夢落江山氣未消清嘯似聞雲鶴舉聚
花長擬鬚絲搖千秋不受巫陽弔雪竇雲門赴
大招

送王元對歸鄂

千秋有客自臨川
晴雨相看笑語前
大好歡遊逢去日
肯因愁別緩流年
風軒遠佇江籬色
浪柁全開鄂樹烟
向後心期寒夢裏
楚天蘭雪倍應憐

送周咸寧應召公家舒莊偕同里期之

忽忽登高望不窮
一州冠冕餞城東
孤舟向鄂

詩

九卷

三

留春色駿馬趨燕起朔風太史自占鳬鳥影陶
潛偏笑菊花叢臨川氣脉西南好曾是尚書給
事中

送嘉禾趙孝廉明南度嶺

先朝名諫趙當湖祖德文心世不孤頗有壺觴
稱地主敢將絲管寄門徒江臯客借經時卧海
國春隨至日敷莫向美人輕弄璫連城須在帝

王都

送王孝廉東旭還越

軒車未敢拜迎疎咄咄尊前風雨餘問偈留來
頻薦語倦遊人去恰題書元龍有榻高留客枚
乘能文病起予向後永安新夜月海天遙對一
舟虛

樂安張聖如明府以廉能第一入覲喜而

詩

九卷

三

贈此

至日青旂散曉寒尚留殘雪美人看
潘輿在御難爲別陶徑新開畧盡歡
岳夢遠連承露掌棠陰初覆切雲冠
天書得借廉平色一遣周行見鳳鸞

奉和吳體中明府懷達公

雨花天影見時難仙令書開九帶殘
身外有身

雲破曉指邊非指月生寒知他曲向誰家唱問
汝心將何處安爲報虎溪殘笑裏幾人林下飲
休官

再次吳明府韻寄太史仲父之作

歌聲山谷採樵還隴麥參差雉子班每聽遷鶯
來戶外親知列宿在人間詩分錦帶搖新月花
發河陽憶舊山未問樅臺射蛟處烟波誰許釣

竿閒

送朱懋忠平湖

通家常擬後輝光
得子成名笑欲狂
一座郎官高列宿
十年耆舊見甘棠
江山到日春寒盡
桃李開時墨綬香
自古公才從治劇
莫輕疎嬾似平昌

送費師之寄兆卿

未須裘馬去翩翩風物名家自儼然數幅輕羅
留結夢一盃芳草寄題箋青衫客散河橋柳暮
雨春歸寒食天定向林間呼小阮荷湖新著釣
魚船

玉茗堂全集

詩

九卷

三